



Inatsisartunut ilaasortaq Jens Immanuelson, Siumut
Inatsisartut
/MAANI

Qeqertarsuup Tunuata aqutsisoqarfiani tunisat akiinik unammilleqatigiinneq pillugu § 37-ikkut apeqqutinnut nr. 2012-129-imut akissut.

22. maj 2012
Sagsnr. 2012-066058
Dok. Nr. 908839

Inatsisartut suleriaasianni § 37 imm. 1 naapertorlugu unammilleqatigiinneq pillugu apeqqutunik saqqummiussisimavutit. Apeqquteqaatit uannut akisassanngorlugu innersuussutigineqarpoq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl www.nanoq.gl

Naalakkersuisunut apeqqut

"Royal Greenland A/S-ip qalerallinnut tunitsiviata aqutsiveqarfik Ilulissani namminersortunut pisortanit tapiiffigineqaratik ingerlasunut qalerallit akiisigut unammillerna pillugu assigiimmik atugassaqartitsinissaq siunertaralugu Naalakkersuisut qanoq iliuseqarniarpat?"

Naalakkersuisunit akissut

Ilumoorpoq, Naalakkersuisut Inatsisartut aalajangiinerisa kingorna 2009-mi pilertortumik Royal Greenlandimut milliardip affaanik aningaasaaleeqqissutitut kiisalu atukkiussinikkut aningaasaliissuteqarmata. Tamatumalu nalaani ingerlatsiviup ukiorpaaluit ingerlanerini amigartooruteqarnerujussuaq pilersikkiartuaarsimasaa matuniarlugu taamatut iliuseqarnissaq pisariaqavissimasoq, kisiannili akiitsoqaleriartorerup annertusiartorsimasup tamarmiusup annertussusia 2009-mi Naalakkersuisut allanngorerisa kingorna aatsaat iliuseqarfigineqarluni. Taamaanngikkaluarpammi nunanit allanit akiligassaqarfiit Royal Greenlandimut taarsigassarsiarititatik maannakkorluinnaq utertillugit akilernaqaqqullugit piumasaqaateqarsimassagaluarumata, tamatumalu kingunerisimassagaluarpa ingerlatsiviup innuttaasunut siumut isigineqareersinnaanngitsunik kinguneqartussamik annaasaqarluni ajutoorsinnaanermik nalliuteriataarsinnaasumik akiliisinnaajunnaarsinnaassagaluarnera. Allatut oqaatigalugu Naalakkersuisut tamatuma nalaani allamik iliuseqarsinaasimanngillat, taamaallaalli suliffissuarmik inuiaqatigiillu pigisaannik nalilissuarnik annaassiniarlutik aningaasaliissutunik tamakkuninnga ingerlatsisariaqarsimallutik.

Royal Greenlandimut aningaasaliissutit taama isillutik tapiissutitut attuumassuteqanngivippot taamaasillutillu Ilulissani piffinniluunniit allani unammilleqatigiinnikkut assigiinngissuseqalersitsinatik. Taamaallaallu suliffissuaqarfiup aniguisaanik isumannarunnaarsitsinermut tunngasuusoq. Royal Greenlandi 100 %-imik Namminersortutik Oqartussanit pigineqarpoq, kisiannili suliffissuaq niuernermut atasumik ingerlanneqarluni. Ilulissanili piffinniluunniit allani piumagaanni unammilleqatigiinnikkut inissisimanermut namminermut tunngatillugu, qanoq namminersortut unammilleqatigiittut suleriaaseqarnerinut, Naalakkersuisut

akuliutissallutik pisussaaffeqanngillat. Taarsiulluguli unammilleqatigiinnermut inatsisit, unammilleqatigiillutik namminersortunut killissalersuissapput.

Taamanikkut illoqarfimmi tunisat akiinik unammilleqatigiinnermik annertusiinissaq siunertaralugu tunitsivimmik pilersitsinissamut akuersissummik Naalakkersuisut Halibut Greenland tunivaat, tassaasoq Ilulissani nioqqutissiortup aappaa ilaannakortumillu pisortanik piginneqataaffigineqartoq. Tamatuma piffimmi tamatumani aalisartunut ukiuni kingullerni kiilumut akit annertusinerinik kinguneqartumik, tamannattaq tusagassiuutitut nalunaarutinnit 9. maj 2012-meersumit takuneqarsinnaavoq. Neriuppunga matuminnga isumaqatigissagimma, tassa tamanna aalisartunut ajunngitsorujussuarmik kinguneqarmat.

Inussiarnersumik inuulluaqqusillunga

Ane Hansen